

Sa bessida a de noti

(A foras de domu de Lisandru)

Aleni: Çau a totus!

Lisandru: Ça'! A Andria intèndiu d'as?

Aleni: Cessu! Mi ndi seu scaresça!

Juanni: Ta sbentiada ki ses! Ayò ki ddi faeus unu scrilliteddu, bàstat ki no tenjat su telefoneddu studau!

(In su mentras nd'arribat Andria)

Andria: Çau, abetendimi' festis? Poit'est ki m'as scrillitau?

Juanni: Eya, t'apu scrillitau ca no ti biemus!

Crara: Aundi est ki boleus andai?

Aleni: Deu em'a bolli andai a su tzilleri informàtigu, bogau ki no tengais atras ideas!

Andria: Eya, aici cumbidaus un amigu miu ki est spassiosu meda!

(A intrus de su tzilleri informàtigu)

Andria: La', apu biu a s'amigu miu umperendi sa computadora a canta 'e sa bessida de seguresa!

Aleni: Bai e cumbidaddu!

Andria: Çau Stèvini!

Stèvini: Intza', ita parit?

Andria: Àndat beni, t'iat a praxi a benni cun nosu a si bufai una cositedda e a pustis a andai a baddai?

Stèvini: Eya, m'iat a praxi, perou depu biri a Lena puru.

Andria: Ellus, mandaddi un essa-ema-essa cun sa computadora.

Stèvini: Àndat beni; ddi nau a si fai biri a palas de su tzilleri irlandesu.

(A pustis de un'ora, innantis de su tzilleri irlandesu)

Lena: Çau!

Lisandru: Ça'! Juanni est ancora aparkendi sa màkina, ge ddu scis ki no est bonu! Oi eus tentu sorti a agatai un'aparcadroxu ingunis a manca!

Andria: Seus innoi! Ayò ki intraus!

(A intru de su tzilleri)

Camareri: Saludi! Ita agradesseis?

Juanni: Intza', emus a bolli duas ampuddeddas de àcua, unu cafei, unu suci 'e pira, una birra trulla e una niedda.

Lisandru: Juanni, bai a biri ki agatas in su bangu is arredusiduras po is piçocus e is cumbidus po is piçocas.

Juanni: Eya, ddus apu agataus! Imoi bufaus totu e andaus!

(Faci a sa una, a s'acabu de sa filera de genti, intrendi in sa discutega)

Aleni: Em'a bolli intrai luegus! Mancai seus arribaus a ùrtimus, podeus intrai a primu ca
connosçu su bogaforas!

Juanni: Intza' bai, curri! O ki nou is arredusiduras e is cumbidus si nci morint!

(Aleni arrennescit a fai intrai a totus luegus)

Andria: Ta logu bellu!

Lena: La' sa genti baddendi! Stravanau!

Stèvini: Ayò ki si nci ghetaus nosu puru!